



UNIVERSITÄTS-
BIBLIOTHEK
PADERBORN

Venatio Sacra. Sive Puer Amissus

Cabilliau, Baudouin

Lovany, 1642

Elegia XII.

[urn:nbn:de:hbz:466:1-70011](#)

Infelix hoc prole parens quæ nescia gaudi
Quod ferat è partu, iussa dolore mori est !
Sic lamenta trahit, fractâ sic voce querelas,
Vita parens, Gnato cum moriente, mori.

ELEGIA XII.

1. *Incusat Abrahami lenitatem.*
2. *Narrat quomodo Angelus sibi olim perserit redditum.*
3. *Angelo imputat suas calamitates.*
4. *Optat semel morte vna defungi inter tot mortis causas.*

Sic Hebron, (a) patriosque focos ciuro, vel aras, i
Orba peregrinâ puluis ut abdar humo ?
Aut vagor incertis, ceu cerua miserrima , campis,
Cerua Palæstinis obuia præda feris ?
Nec benignas nouit , premet ah ! miser aduena rupes ;
Bersabeas rupes, Abrabiumue solum,
Ergone adopto, nouis & do pia nomina sacrîs ,
Ut pietas sanctam fallat iniqua fidem ?
Impia si pietas castos eludit alumnos ;
Eccubi tutâ fides ? eccubi certa salus ?
Mœsta sed in longas ubi verba retexo querelas,
Opprimit inuisus lumina fessa sopor.
Excipit ergo latus, somno vel mollior ipso,
Aptatoris, picto quæ viret herba solo.
Hæc inter variâ dum ludit imagine Morphus,
Meque tenet miris discolor umbra modis :
Aliger interpres diuûm spem detulit astris.
Sed nisi spem, cœcum spe duce signat iter.
Ille mihi dixit, claraque refulgit in aurâ :
Curre redux: reducem præmia certa manent.
Ut quid enim malè fallis heram ? quid pignora Diuum
Temanis, & incerto limite vota trahis ?

Strac

Stat thalami secura fides, stat & gratia partus.
 Præmia promissis vberiora t'eres.
 Dixerat, & ramo (ramum nam dextra tenebat,
 Myrtus (b)era) tetigit pectora. Auxit odor.
 Sentires fluxisse sinu de cælite Diuum:
 Lenit enim longæ tardia dura via.
 Credidimus diuis, Diuos quis credere falsos
 Audeat? & diuos perfidus error habet?
 Inde mihi molli denulcens lumina virgâ
 Excitat ab supero qui dedit orbe fidem:
 Subridensque aliquid limis promisit ocellis:
 Sit satis hoc: Abrahæ cætera reddet amor.
 Et simul ad Dominam faciles me flectere gressus
 Imperat. Imperio cælite flecto gradum.
 Effugio poteram tot fallere tuta labores:
 Has sed in ærumnas triste retrorsit iter.
 Impulit in fraudem dextræ vox nuncia sortis.
 Nos nimium vanis credula turba dolis.
 Quam præclara sacer redditus fert gaudia præpes!
 Hei mihi pro votis qualia dona tuli?
 Hostibus omne meis tam felix imprecor omen:
 Quem mihi dat, Sarain præmia ferre velim.
 Ut temel incertis cæpi decurrere campis,
 Cur non perpetuam mors dedit ire viam?
 Execror ad Dominos vestigia flexa penates:
 Maluerim spinis implicui ile pedes.
 Vtlius quis sponte fugit, neque suscipit impar,
 Et quod ferre piget triste laboris onus.
 Quid nisi bella domi, rixæ, labor, ira, tumultus,
 Imperiosa trucis cuncta tyrannis heræ?
 Et nunc ærumnis pressam tot vbique cliençem,
 Rursus in ærumnas altera noxa rapit.
 Omnia mors, diræ, luctus, nox, planctus, & angor,
 Et de morte graui nocte sepulta salus.
 Nec spes villa domi, nec spes foris villa superstes
 Vndelibet fugiam, quaque lubebit eam.
 Quos modo festiuo dederat puer ore lepores,
 Nunc fors in gemitus vertit acerba suos.

Quam

Quām citō p̄cipitem deuoluit ad ima ruinam

Quæ steterant summo, gloria prima, gradu
Sic vidi Libani quæ surgit ad ardua Cedrum,

Ad Borean imo decubuisse solo.

Fasne, piuum putes sic, ih! s̄avire parentem,

Se miser in Gnato perdat ut i pse suo;

Ceu pudeat genuisse / feror sic mutat amorem,

Gloria quem primum gignere prima fuit?

Ingenuo diues cui purpura floruit auro,

Nunc lacer in panno paupere squallor habet,

Vnius in miseræ seruæ caput auspice cælo,

Tot tulit vlla dies damna, vel vlla ferer?

O vtinam teneris me mors rapuisset ab annis,

Struxissetque meo grata sepulcra toro!

Quæque breuis teneros astringit fascia lumbos,

In laqueum, & lethi vincula versa foret!

Aut saltē miseræ (quamuis sit triste lenamen)

Contegeret cineres patria gleba meos!

Quid moror, & nec dum grato caput abdo sepulcro,

Vt pudor indecoris coniugis ossa tegat?

Sol quid adhuc spectas innisa hæc nomina cælo?

Nec cum matre puer funebris umbra iacet?

Crescite, crescite vos lacrymæ, simul ite medullis

Omnibus, vber eat vrna doloris Agar.

Ah! mera si nubes oculus, sit tristis & imber?

Cur bilarem tristi spectet in imbre diem?

(a) Apud Hebron urbem habitavit Abraham.

(b) Myrti ramus in manu, tollit lassitudinem.

Plin.

ELEGIA